

Fagan Rangeela Aaya | by Reshmi Sharma

Fagan Rangeela Hai Aaya
Fagan Ye Khushiyan Hai Laya
Fagan Ye Sabke Man Ko Hai Bhaaya

Fagan Ki Masti Chang Dhol Baje Hain
Satrangi Rango Ke Kalash Saje Hain
Gwaalo Ki Toli Leke Kanha Raste Mein Khada
Maare Hai Pichkaari Bhar Bhar Pichkaari

Kuch Alag Sa Hai Dhang Karta Hai Sabko Tang
Dekh Ke Kanha Ko Duniya Bhi Hai Dang
Rehta Gwaalo Ke Sang Ladta Maakhan Ki Jung
Chori Seenazori Ka Ispe Chadha Hai Rang
Saare Gokul Ka Kar Daala Isne Jeena Muhaal
Maare Hai Pichkaari Bhar Bhar Pichkaari

Har Koi Aa Raha Shyam Se Milne Ko
Haathon Mein Apne Leke Rang Gulaal
Aaj To Mast Mein Gaa Rahe Hain Sabhi
Devi Devta Bhi Holi Ki Dhamaal
Kaale Kaale Kanha Ko Kar Denge Lal Lal
Maare Hai Pichkaari Bhar Bhar Pichkaari

Shyam Ke Rang Mein Jo Bhi Rang Jata Hai
Dooja Rang Koi Uspe Na Chadhta
Shyam Ke Prem Mein Jo Bhi Pad Jata Hai
Jag Ki Baaton Se Use Fark Nahi Padta
Shyam Ka Premi Banke Mohit Ho Gaya Nihaal
Maare Hai Pichkaari Bhar Bhar Pichkaari

<https://bhaktivandana.com/lyrics/%e0%a4%ab%e0%a4%be%e0%a4%97%e0%a4%a3-%e0%a4%b0%e0%a4%82%e0%a4%97%e0%a5%80%e0%a4%b2%e0%a4%be-%e0%a4%86%e0%a4%af%e0%a4%be-by-reshmi-sharma/>